

***IKHLAS* WAIVER OF CONTRIBUTIONS SECURE TAKAFUL RIDER**

Melepaskan anda dari bebanan
di kala musibah.

MELEPASKAN BEBANAN ANDA

Hidup ini penuh dengan ketidakpastian. Apakah yang akan terjadi kepada keselamatan kewangan dan keluarga anda? Kami memahami keperluan anda, terutama sekali ketika anda benar-benar memerlukannya. **IKHLAS Waiver of Contributions Secure Takaful Rider** akan mengecualikan semua Sumbangan Takaful tidak tertunggak yang harus dibayar di bawah Sijil Takaful sekiranya anda didiagnosis menghidap penyakit kritikal. Pelan Takaful Rider ini hanya boleh disertakan dengan Pelan Asas.

APAKAH PERLINDUNGAN **IKHLAS WAIVER OF CONTRIBUTIONS SECURE TAKAFUL RIDER**?

Manfaat Penyakit Kritikal (*Manfaat Takaful ini dijamin oleh Dana Risiko*)

Semua Sumbangan Takaful yang perlu dibayar pada masa akan datang (termasuk semua Rider tambahan yang disertakan, kecuali manfaat penyakit kritikal) akan dikecualikan jika Peserta Takaful disahkan menghidap salah satu daripada penyakit kritikal seperti yang dinyatakan di dalam Sijil Takaful.

Penamatan Sijil Takaful (*Manfaat ini tidak dijamin*)

Apabila Sijil Takaful ditamatkan pada bila-bila masa dalam tempoh Sijil Takaful, amaun terkumpul di dalam Akaun Pelaburan Risiko Peribadi (PRIA), termasuk pendapatan pelaburan dari PRIA dan lebihan boleh-agih bersih daripada Dana Risiko, akan dibayar sekaligus kepada Peserta Takaful atau keluarga terdekat.

SYARAT DAN HAD UMUR

- Umur Kemasukkan : 18 - 60 tahun, umur pada harijadi akan datang, lelaki/perempuan
- Umur Matang : Apabila Peserta Takaful mencapai 65 tahun, umur pada harijadi akan datang
- Tempoh Perlindungan :
- Minimum : 5 tahun
- Maksimum : 47 tahun, tertakluk kepada maksimum Pelan Asas

MENGAPA IKHLAS WAIVER OF CONTRIBUTIONS SECURE TAKAFUL RIDER?

IKHLAS Waiver of Contributions Secure Takaful Rider direka khusus untuk memberi perlindungan kewangan sekiranya anda disahkan menghidap mana-mana penyakit kritikal (seperti disenaraikan di dalam Sijil Takaful).

Amaun KADAR SUMBANGAN TAKAFUL TAHUNAN (*Berdasarkan RM 1,000 Amaun Perlindungan*)

Amaun Sumbangan Takaful Kasar Tahunan dikira berdasarkan umur, jantina dan tempoh perlindungan yang dipohon Peserta Takaful.

Contoh yang ditunjukkan di bawah adalah untuk Amaun Perlindungan RM 1,000:

| Umur Pembayar | Tempoh = 10 Tahun | | Tempoh = 25 Tahun | |
|------------------|-------------------|-----------|-------------------|-----------|
| | Lelaki | Perempuan | Lelaki | Perempuan |
| 25 | 11.80 | 9.70 | 62.30 | 51.20 |
| 35 | 30.80 | 22.00 | 163.20 | 116.70 |
| 45 | 76.60 | 62.90 | | |

Kadar di atas mengandaikan bahawa Peserta Takaful yang dicadangkan tiada masalah perubatan/kesihatan, risiko pekerjaan atau tabiat yang mungkin memerlukan Sumbangan Takaful tambahan.

Sumbangan Takaful pembaharuan adalah tidak dijamin dan pihak Takaful IKHLAS berhak untuk menyemak kadar Sumbangan Takaful setiap Peserta Takaful semasa ulangtahun Sijil Takaful berdasarkan pengalaman tuntutan untuk keseluruhan portfolio. Syarikat akan memberi 3 bulan notis bertulis kepada Peserta Takaful sekiranya berlaku penyemakan semula Sumbangan Takaful atau penarikan-balik produk. Sumbangan Takaful boleh diubah sekiranya pengalaman tuntutan semakin meningkat, terdapat perubahan terhadap sebarang manfaat produk dan atau profil risiko Peserta Takaful. Sebab-sebab untuk perubahan ini adalah tidak terhad dan Sumbangan Takaful juga boleh disemak semula di atas alasan-alasan lain yang munasabah.

CAJ-CAJ YANG TERDAPAT PADA IKHLAS WAIVER OF CONTRIBUTIONS SECURE TAKAFUL RIDER

IKHLAS Waiver Of Contributions Secure Takaful Rider adalah berasaskan kepada Model *Wakalah* di mana Takaful IKHLAS akan mengenakan caj Yuran *Wakalah* daripada Sumbangan Takaful bagi tujuan mentadbirkan perniagaan.

| Tahun | 1 | 2 | 3 | 4 | 5 | 6 | 7 Tahun ke atas |
|--------------------------|-------|-------|-------|-------|-------|-------|-----------------|
| Yuran <i>Wakalah</i> (%) | 75.50 | 64.00 | 44.25 | 42.75 | 27.25 | 27.25 | 16.50 |

Jika tempoh perlindungan adalah kurang daripada 20 tahun, Takaful IKHLAS akan mengurangkan caj *Wakalah* sewajarnya.

PENGECUALIAN

Sijil Takaful ini tidak akan melindungi penyakit kritikal berpunca secara langsung atau tidak langsung, sepenuhnya atau sebahagiannya, dari mana-mana satu (1) kejadian yang berikut:

1. Peperangan, penaklukan, ancaman musuh luar, permusuhan atau operasi-operasi berbentuk peperangan (sama ada peperangan diisytiharkan ataupun tidak) atau perang saudara;
2. Pemberontakan, rusuhan awam, pemberontakan tentera atau orang awam, insureksi, penentangan, revolusi, perintah berkurang atau darurat atau apa-apa jua peristiwa ataupun penyebab yang boleh menentukan pengisytiharan ataupun penyelenggaraan perintah berkurang ataupun darurat;
3. Sebarang kegiatan pengganas. Untuk tujuan ini kegiatan keganasan bermaksud perlakuan atau perbuatan, termasuklah tetapi tidak terhad kepada penggunaan sebarang kuasa atau kekerasan atau kekejaman dan/atau ancaman dari situ, oleh mana-mana orang perseorangan atau kumpulan, sama ada bertindak secara persendirian atau bersandarkan perhubungan dengan mana-mana organisasi atau kerajaan, dilakukan atas sebab-sebab politik, keagamaan, ideologi atau sebarang niat mempengaruhi sebarang kerajaan atau organisasi dan/atau menyebabkan pihak awam, atau sebahagian darinya berada di dalam ketakutan;
4. Disebabkan oleh atau lanjutan daripada bunuh diri atau cubaan membunuh diri atau mencederakan diri sendiri dengan sengaja atau di bawah pengaruh alkohol atau narkotik atau dadah atau ketidaksiaman atau disebabkan oleh penyakit kelamin;
5. Ketidakupayaan yang ditanggung oleh Orang Yang Dilindungi apabila melibatkan diri, mengendalikan atau melakukan servis, menaiki atau menuruni daripada atau dengan sebarang alat penerbangan atau kenderaan termasuk terjunan udara, payung terjun, lompatan bungee, luncur udara atau belon udara kecuali apabila Peserta Takaful berada di dalam kapal terbang yang dikendalikan oleh penerbangan komersil dengan jadual penerbangan yang teratur mengikut destinasi yang telah ditetapkan;
6. Sebarang ketidakpatuhan undang-undang oleh Orang Yang Dilindungi atau kesalahan yang dicituskan olehnya;
7. Kecederaan yang disebabkan oleh pembelahan nuklear, percantuman nuklear, alat senjata nuklear atau pencemaran radioaktif;
8. Sebarang keadaan sedia wujud sebelum penerimaan perlindungan;

9. Jika penyakit tersebut didiagnos dalam tempoh tiga puluh (30) hari dari tarikh kuatkuasa Rider ini atau tarikh penguatkuasaan semula, yang mana terkemudian, kecuali jika disebabkan oleh kemalangan.

NOTA PENTING

1. Anda perlu meyakinkan diri anda bahawa Rider ini dapat memenuhi keperluan anda dengan sebaiknya dan bahawa Sumbangan Takaful yang perlu dibuat di bawah Rider ini merupakan amaun yang mampu anda sertai.
2. Anda perlu menyemak ilustrasi Manfaat dan Helaian Keterangan Produk sebelum menyertai Rider ini.
3. Peserta Takaful diberikan masa lima belas (15) hari Tempoh Bertenang dari tarikh Sijil Takaful diterima untuk memastikan kesesuaian penyertaan **BARU** bagi Rider ini. Perbelanjaan untuk pemeriksaan perubatan akan ditolak/diambil dari Sumbangan Takaful yang dibayar.
4. Selepas bayaran Sumbangan Takaful pertama, kegagalan pembayaran Sumbangan Takaful seterusnya kepada Syarikat pada tarikh akhir atau dalam tempoh ehsan akan dianggap sebagai tertunggak.
5. Sekiranya tiada lagi Sumbangan Takaful selepas tamat tempoh ehsan, Syarikat mempunyai hak seperti yang dipersetujui Aqad untuk menggunakan nilai yang ada sebagai pendahuluan untuk bayaran *Tabarru'* dan Sijil Takaful akan dikuatkuasakan "di bawah PIA" sehingga amaun PRIA berkurangan dari amaun yang diperlukan untuk bayaran *Tabarru'*. Semasa tempoh ini Sijil Takaful masih lagi berkuatkuasa dan sekiranya Sumbangan Takaful masih belum dijelaskan selepas amaun PRIA tidak mencukupi untuk bayaran pendahuluan seterusnya, Sijil Takaful akan lupus dan tidak mempunyai nilai.
6. Syarikat berhak menolak sebarang tuntutan sekiranya Peserta Takaful gagal memberi maklumat-maklumat yang relevan yang akan memberi kesan kepada Syarikat untuk membuat keputusan untuk menerima ataupun menolak sebarang risiko yang dicadangkan dan juga Sumbangan Takaful dan terma-terma yang sepatutnya dikenakan ke atas Peserta Takaful.
7. Risalah ini menyatakan maklumat am sahaja. Ini bukan kontrak Takaful. Syarat-syarat tidak dinyatakan secara terperinci. Sila rujuk kontrak Sijil Takaful untuk maklumat penting.
8. Sijil Takaful ini tidak menyatakan sebarang amaun manfaat daripada Dana Risiko seandainya pembatalan, matang atau Sijil Takaful tamat tempoh berlaku.
9. Manfaat daripada PRIA adalah berasaskan pada nilai prestasi sebenar dana dan ia adalah tidak dijamin. Pendapatan pelaburan sebenar boleh berubah-ubah mengikut keadaan pasaran. Oleh itu, baki boleh meningkat naik atau menjadi kurang daripada amaun Sumbangan Takaful yang telah dibuat ke dalam PRIA (berkemungkinan boleh menyebabkan peluputan Sijil Takaful sebelum tempohnya).

10. Bagi sebarang keuntungan pelaburan yang diperolehi daripada PRIA, jika ada, akan dipulangkan kepada Peserta Takaful (melalui PRIA) ditolak 30% daripada keuntungan pelaburan sebagai Yuran Prestasi Pelaburan. Walau bagaimanapun, pihak Syarikat boleh, mengikut budi bicara mengenakan caj kurang daripada 30% daripada keuntungan pelaburan sebagai Yuran Prestasi Pelaburan. Pihak Syarikat juga akan mengenakan Caj Pengurusan Lebihan (SAC) sebanyak 50% daripada sebarang lebihan boleh-agih kasar yang diisytiharkan pada akhir setiap Tahun Kewangan Syarikat. Lebihan boleh-agih bersih (selepas ditolak SAC) daripada Dana Risiko akan diperuntukkan sepenuhnya (100%) kepada Peserta Takaful.
11. Risiko daripada dana pelaburan akan ditanggung oleh Peserta Takaful dan faedah berkemungkinan adalah kurang daripada amaun Sumbangan Takaful kepada dana pelaburan tersebut.
12. Amaun yang akan dikecualikan daripada cukai pendapatan untuk Sumbangan Takaful adalah tertakluk kepada persetujuan Lembaga Hasil Dalam Negeri Malaysia.
13. Untuk maklumat lanjut, anda boleh merujuk kepada buku info Insurans mengenai 'Takaful Keluarga' dan/atau 'Takaful Perubatan & Kesihatan' yang boleh didapati di semua cawangan kami ataupun anda boleh memperolehinya daripada wakil Takaful kami atau lawati www.insuranceinfo.com.my

Nota Pengecualian:

Risalah ini bukan merupakan satu kontrak. Sila rujuk sijil Takaful untuk butiran penuh.